

Headline	TH: Tamatkan polemik, beri jawapan dan jaminan		
MediaTitle	Harakah		
Date	24 Jul 2020	Color	Full Color
Section	General News	Circulation	50,000
Page No	N1,N4	Readership	150,000
Language	Malay	ArticleSize	836 cm ²
Journalist	KAMARUZAMAN MOHAMAD	AdValue	RM 6,865
Frequency	Twice in a Week	PR Value	RM 20,595



TH TAMATKAN POLEMIK

Beri jawapan, jaminan kepada rakyat

KERAJAAN dipohon untuk segera meredakan kebimbangan umat Islam negara ini, khususnya 9.4 juta pendeposit Tabung Haji yang amat memerlukan maklumat sebenar dan telus mengenai institusi tersebut. Tabung Haji sejak sekian lama telah menjadi jantung hati umat Islam di negara ini yang juga antara simbol kekuatan harta dan pemilikan. Tetapi mutakhir ini terutamanya sedari awal tahun lagi, Tabung Haji seakan diheret ke kancah politik yang dilatari pertembungan dan polemik. Ianya merencahkan kekusaran umat Islam Malaysia dan sedikit sebanyak menggoyahkan kepercayaan mereka. Pun begitu institusi ini teramat penting bagi umat Islam untuk kekal bertahan dan dipertahankan.

“ PAS berusaha mengajak umat Islam negara ini untuk teguh bersama menyokong dan mendukung Tabung Haji. Tetapi tidak selamanya PAS dapat memujuk mereka supaya meyakininya. Jaminan kerajaan serta penjelasan terhadap status kedudukan semasa Tabung Haji termasuk usaha-usaha peneguhannya mesti sedia dikongsikan secara terbuka dengan rakyat.”

- KAMARUZAMAN MOHAMAD
• Ketua Penerangan PAS Pusat

“ kita mengeluarkan kenyataan tersebut semasa pemerintahan Pakatan Harapan (PH) dan zaman Perikatan Nasional (PN) pun kita konsisten perkara yang sama.”

- IR KHAIRIL NIZAM KHIRUDIN
• Ketua Dewan Pemuda PAS Malaysia

▶ LANJUT DI MUKA N3 & N4

Headline	TH: Tamatkan polemik, beri jawapan dan jaminan		
MediaTitle	Harakah		
Date	24 Jul 2020	Color	Full Color
Section	General News	Circulation	50,000
Page No	N1,N4	Readership	150,000
Language	Malay	ArticleSize	836 cm ²
Journalist	KAMARUZAMAN MOHAMAD	AdValue	RM 6,865
Frequency	Twice in a Week	PR Value	RM 20,595

TH: Tamatkan polemik, beri jawapan dan jaminan

Oleh
**KAMARUZAMAN
MOHAMAD**



KERAJAAN dipohon untuk segera meredakan kebimbangan umat Islam negara ini, khususnya 9.4 juta pendeposit Tabung Haji yang amat memerlukan maklumat sebenar dan telus mengenai institusi tersebut. Tabung Haji sejak sekian lama telah menjadi jantung hati umat Islam di negara ini yang juga antara simbol kekuatan harta dan pemilikan.

Tetapi mutakhir ini terutamanya sedari awal tahun lagi, Tabung Haji seakan diheret ke kancha politik yang dilatari pertembungan dan polemik. Ianya merencahkan kegusaran umat Islam Malaysia dan sedikit sebanyak menggoyahkan kepercayaan mereka. Pun begitu institusi ini teramat penting bagi umat Islam untuk kekal bertahan dan dipertahankan.

PAS berusaha mengajak umat Islam negara ini untuk teguh bersama menyokong dan mendukung Tabung Haji. Tetapi tidak selamanya PAS dapat memujuk mereka supaya meyakinkannya. Jaminan kerajaan serta penjelasan terhadap status kedudukan semasa Tabung Haji termasuk usaha-usaha peneguhannya mesti sedia dikongsikan secara terbuka

dengan rakyat.

PAS mencadangkan, supaya Sidang Dewan Rakyat yang sedang berlangsung di Parlimen ketika ini menjadi kesempatan dan medan terbaik pimpinan kerajaan termasuk pembangkang sama-sama membincangkannya. Juga laporan berkaitan dapat dibentangkan dengan telus dan bertanggungjawab sebagai penjelasan rasmi kepada semua.

Sekadar cabar-mencabar dan memenuhkan dada akhbar dengan pelbagai dakwaan hanya masih mengekalkan umat Islam khususnya para pendeposit sebagai 'mangsa'. Sedangkan rakyat mahukan jawapan dan kepastian bahawa 'rasa kepunyaan' mereka terhadap Tabung Haji adalah terjamin selamat dan hak mereka bersama masa depan tidak terusik.

Sebarang kemungkinan yang mundur apatah lagi merosakkan perlu diakui akan meruntuhkan motivasi pendeposit kerana ianya berhubung hal ibadah yang rukun lagi berkait faktor spiritual. Secara umumnya, rakyat begitu memelihara dan menilai keadaan Tabung Haji, namun berbaur maklumatnya dengan pelbagai pernyataan yang sensasi.

Sejak beberapa tahun ini, hasil atau keuntungan bersihnya semakin berkurang dengan tahun lalu (2019) hanya

RM3.2 bilion sahaja. Apatah lagi dengan pertukaran kerajaan berbangkit isu-isu ketidakwajaran dan keraguan terhadap pemberian hibah; penyusutan nilai aset; penjualan aset-aset di bawah nilai sebenar; pemindahan aset tidak berdaya saing; salah laku, salah guna kuasa, penyelewengan dan sebagainya.

Atas pelbagai skandal yang didakwakan, status Tabung Haji telah dilihat umum sebagai isu penuh manipulasi. Kegusaran rakyat yang selama ini melihatnya sebagai pelaburan berhemah telah menjadi persepsi dan kekhawatiran ia akan melebur dan lemah. Antaranya walaupun diakui tidak berlaku jualan kepada bukan-Islam, tetapi rakyat melihat ia terdedah berlaku secara tidak langsung.

Ketua Pegawai Eksekutif Tabung Haji, Nik Mohd Hasyudeen Yusoff sendiri 'mendedahkan' pengecualian hak penolakan pertama bagi 18 aset hartanah dipindah ke Urus Harta Jemaah Sdn Bhd (UJSB) melalui kelulusan Menteri di Jabatan Perdana Menteri (Hal Ehwal Agama), Dato' Seri Dr Mujahid Yusof. Tetapi Mujahid pula bernada menyangkal.

Umat Islam juga merasa pelik antaranya terhadap proses rasionalisasi syarikat 73.84 peratus milik Tabung Haji antaranya TH Plantation Bhd (THP) kononnya tidak mempamerkan prestasi

mengikut jangkaan. Ini belum termasuk isu 1,568 ekar tanah di TRX dan ekuiti lain. Lebih terkejut dengan empat Hotel TH yang dilepaskan kepada syarikat milik (SPV) Kementerian Kewangan di mana ketika itu diketuai oleh Lim Guan Eng. Sedangkan masing-masing hotel tersebut merekodkan keuntungan.

Sekali gus ia mengundang dan mencetus tanda tanya hingga mengusik sentimen perolehan atau urusan hukum halal haram diperdebatkan dalam diri pendeposit khususnya dan umat Islam negara ini amnya. Apatah lagi pendedahan terbaharu yang mengejutkan apabila dinyatakan Tabung Haji sudah dua tahun (2018 dan 2019) tidak diaudit atau dibentangi laporan kewangannya.

Tentunya ia membesarkan lagi skeptikal awam yang boleh meruntuhkan reputasi dan wibawa terhadap Tabung Haji. Bagaimana tanpa audit, badan berkanun ini boleh beraktiviti menerima deposit, melakukan pelaburan, mengadakan penjualan dan melaksanakan pindahan? Merungkal semua isu ini, PAS bersetuju Jawatankuasa Khas Kerajaan atau seangkatannya ditubuhkan demi siasatan telus dan bebas.

>> Ketua Penerangan PAS Pusat.